

Fuconh: Gawjbanh “Vanzbauj Beih” Dwkgiuz Dwkgienz Doxdax Hozdung



富川:举办“环保杯”气排球、拳剑舞操比赛活动

Vih daezsang Yauzyangh ganbu ginzung vanzging yisiz, doedok cungdenj hagsib vanzging baujhufaz ngamq coihdingh haenx. Geij ngoenz gonq, Fuconh Yauzcuz Swciyen youq ndaw yienhsingz gawjbanh bouxlaux gibaizgiuz caeuq fouxgiemq guh dijauch “vanzbauj beih” doxdax

hozdung, aen hozdung neix yinx gyoengq caiciz caeuq duiyouh ganbu cizgungh daeuj camgya. Doenggyaq doxdax, caenh' itbough demgiengz le Yauzyangh ganbu ginzung vanzbauj gvanhnen.

(Cinz Yengiz Bungz Swgmingz/ 陈献吉 彭思明)

Yungzsuij: Duzcwz “Hwnj Faex” Mbaenj Fungsou

融水:黄牛“上树”祈丰收

6 nyied 28 hauh, Yungzsuij Myauzcuz Swciyen Bwzyinz Yangh Baujgyangh Mbanjdung, daeg mbauqcoz Duncuz ndeu cing duzcwz raek vahoengz he dangh gvaq dah bae.

Ngoenzhaenx, Yungzsuij Myauzcuz Swciyen gawjhengz aen yizsi Mbanjdung conzdungj duzcwz “hwnj faex” ndeu. Cib lai boux lwgmbauq Duncuz yungh roengqdiet cang ndei duzcwz le doengzcaezyunghrengz rag hwnj gwnz faex bae, yungh aen fap neix daeuj hoh haeux ndaej fungsou. Duzcwz baez di baez di “bin” hwnj gwnz faex bae, yinx gyoengq hekyouz daeuj comz yawj.

(Lungz Linzci /龙林智)



▲ Geij boux lwgmbauq Duncuz youq Bwzyinz Yangh Baujgyangh Mbanjdung rag cwz hwnj faex.



▲ Boux lwgmbauq Duncuz he cing duz cwz raek vahoengz ndeu dangh gvaq dah bae.



Lozcwngz: Yungh Fwen Senhconz Gimqdoeg Cihsiz

罗城:用山歌宣传禁毒知识

6 nyied 25 hauh, youq daih 27 aen gozci ngoenzgimqdoeg yaek daeuj daengz seiz, Lozcwngz Mulaujcuz Swciyen cwngefaz, fulenz, gungh' anh daengj bumwnz lienzhab roengz daengz Swbaj Cin Yalij Segih bae gaihcanj “mbouj hawj huqdoeg haeuj ranz gou” guh cawjdaez gimqdoeg senhconz hozdung, yungh fwen doiqciengq, fatcuengq swhliu, vwnzyi yienjok, venj doz daengj hingzsik daeuj cizcungh senhconz huqdoeg doiq bonjdang, ndawranz, sevei daiq daeuj guhhaih youqgaenj, aeu daeuj demgiengz segih cunhminz, lwgnyez gimqdoeg yisiz. Deng segih ginzung haenh ndei.


(Liu Gvanghfuz/廖光福)

Denzyangz: Ginzung Eu Fwen Diuq Foux Angqhoh Ngoenzseng Dangj Raeuz

田阳:群众载歌载舞共庆党的生日

Bineix 7 nyied 1 hauh dwg dangj raeuz laebbaenz 93 hopbi. Gyoengq ginzung Denzyangz Ye Denzcouh Cin Dingliz Cunh mbanjlaj gag bien gag yienj vwnzyi vanjvei, eu fwen diuq foux daeuj angqhoh ngoenzseng dangj raeuz, yungh cungj fuengsik neix daeuj docih aencingz Gungcanjdangj. Ndaw doz dwg aen cuj daxmeh cingq byaujyenj cezmuz.

(Vangz Gozsun/黄国顺)



Cunghgoz Minzcuz Yijvwnz Fanhyizgiz Bae Vujmingz Sanglinz Guh Diuynz

中国民族语文翻译局到武鸣上林等县调研

Mboengqneix, Cunghgoz Minzcuz Yijvwnz Fanhyizgiz fugizcangj Lij Vanyingh bae daengz gih raeuz Vujmingz, Sanglinz daengj yienh diuynz hong gvangjbo yingjsi vah saw minzcuz, caemhcaiq soengq gij saw Sawcuengh 《Sawloih Cuengh Gun Ciuhneix》ndaw giz biensij oksaw neix hawj Gvangjsih Sawcuengh Hagdangz, Vujmingz Yen Gvangjbo Densigiz, Sanglinz Yen Minzyijgiz daengj danhvei gihcwngz guh hong vah saw minzcuz haenx. Ndaw doz dwg Lij Vanyingh (gvaz ngeih) soengq saw bae hawj Gvangjsih Sawcuengh Hagdangz.

(Vahcuengh Sawcuengh Fanhyizsiz hawj gauj)



Bonbauq Dangcihu Yawjngonz Dangjyenz Laux

本报党支部看望慰问老党员

7 nyied 1 hauh banhaet, bonjbauq secangj Banh Cauzyangz daiq bouxcwngzyenz dangcihu bause bae yawjngonz Nungz Gijbyauh, Liuz Yigiuz daengj dangjyenz laux, ganbu laux ndaw bause, hoh gyoengqde ngoenzciet angqyangz, ndang rengz souhyienz!

(Yenj Gijcih)